

# Prentsa oharra

## **Museum Cemento Rezolak “Biodibertsitatea harrobietan. Quarry Life Award” erakusketa inauguratu du**

**Erakusketa 2023ko maiatzaren 20ra arte dago ikusgai, eta harrobietan dagoen biodibertsitatea eta Quarry Life Award sarira aurkeztutako proiektu berritzaileak ezagutarazten ditu**

**Erakusketak, flora eta fauna espezie desberdinentzat harrobiak diren balio handiko espazioa erakusten du**

**Donostian, azaroaren 22an.-** Cementos Rezola-Heidelberg Materials-en esku dagoen Museum Cemento Rezolak, “Biodibertsitatea harrobietan. Quarry Life Award” aldi baterako erakusketa inauguratu du gaur. Erakusketa 2023ko maiatzaren 20ra arte egongo da zabalik, eta harrobietan dagoen biodibertsitatea eta bertan ezarritako biodibertsitatea kudeatzeko planak ezagutarazten ditu.

Harrobiak eta hartxintzar-guneak oso espazio baliotsua dira hiri-garapenaren ondorioz lekuz aldatzen ari den hainbat flora- eta fauna-espezierentzat. Ikerketa zientifiko askok frogatu dutenez, aire zabaleko harrobiak, hartxintzar-guneak eta beste explotazio batzuk oso baliotsuak izan daitezke ingurumena babesteko, espezie berezi eta babestuentzako habitat egokiak eskaintzen dituztelako.

Cementos Rezola-Heidelberg Materials harrobiek biodibertsitatea kudeatzeko plan espezifikoak dituzte, bertan bizi diren espezie guztien kontserbazioa bermatzeko.

Eusko Jaurlaritzaren eta Gipuzkoako Foru Aldundiaren babesa eta Tormes-EB Fundazioaren laguntza duen erakusketan, Quarry Life Award sarira aurkeztutako proiektuei buruzko atal bat dago. Sari horrek harrobien biodibertsitatea aztertzeke eta bultzatzeko ikuspegi berritzaileak sustatzen ditu, eta meatzaritzaren ekologiar buruzko kontzientzia sortzea du helburu.

Inaugurazio-ekitaldian hauek hartu dute parte: José María Echarri Heidelberg Materials-Cementos Rezola enpresako Ohorezko Presidente eta bozeramaileak; Rafael Pascual Heidelberg Materials-Cementos Rezola enpresako Añorgako fabrikako eta Museum Cemento Rezolako Zuzendariak; Marisol Garmendia Donostiako Udaleko bigarren Alkateorde eta Ekonomiaren Garapen eta Enplegu eta Ekologia eta Osasun Publikoko Zinegotziak; eta Enrique Ramos, Gipuzkoako Foru Aldundiko Ingurumen Departamentuko Zuzendariak.

José María Echarri Heidelberg Materials-Cementos Rezolaren Ohorezko Presidente eta bozeramaileak, enpresak ingurumenarekiko errespetuarekin duen konpromiso historikoa adierazi du, egungoa eta etorkizunekoak: “Aldi baterako erakusketa hau bezalako ekimenek



enpresak landarediarekin eta faunarekin, eta gizarte-ingurunearekin duen harremanean sakondu nahi dute”.

Rafael Pascual Heidelberg Materials-Cementos Rezolako Añorgako fabrikako eta Museum Cemento Rezolako Zuzendariak nabarmendu duenez, Añorgan “ingurumen-aztarna minimizatzen duten erauzketa-teknikak lehenesten dira, bai eta ondoren erauzketa-espazioak birgaitzeko neurriak ere”.

### **Erakusketa informatiboa eta interaktiboa**

Erakusketa bi arlotan dago banatuta: informatiboa eta interaktiboa. Informazio-gunean, harrobietako biodibertsitatea ezagutarazten da, eta HeidelbergMaterialsen harrobietako kudeaketa-planak azaltzen dira, erauzketak egin aurretik, bitartean eta ondoren.

Gune interaktiboak ingurunekeo biodibertsitatea era pedagogiko eta hezitzaileagoan azter daitekeen zenbait modulu ditu. Gure zentzumenak erabiliz (entzumena, ukimena...) Euskal Herriko biodibertsitatea osatzen duten objektuekin/elementuekin elkarreragin eta esperimintatu daiteke.

Gainera, “Nire auzoko biodibertsitatea mapeatuz” hezkuntza-jarduera jarriko da abian. Bertan, ikastetxeei inguruko biodibertsitatea ezagutzera eta maketa kolaboratibo batean islatzera gonbidatzen zaie.

Erakusketak, halaber, Quarry Life Award sariari eskainitako gune bat du. Cementos Rezola-HeidelbergCement-en lehiaketa hori ikertzaileei, ikasleei eta gobernuz kanpoko erakundeei eta herritar guztiei dago zuzenduta, eta mundu osoko HeidelbergCementen harrobietan biodibertsitatearekin erlazionatutako proiektuak saritzen ditu.

### **Museum Cemento Rezola, ingurunearekiko konpromiso soziala**

Museuma oso toki eta eraikin berezian dago, Cementos Rezolaren fabrikak 1948an langileen seme-alabentzat eraiki zuen eskola zaharrean. 1997an, eskola erabilerarik gabe geratu ondoren, fabrikak Peña Ganchegui estudioari agindu zion hura birmoldatzeko, museo gisa izango zuen funtzio berrira egokitzeko. Erabilera berria, baina helburu bera: inguruko jendearen artean ezagutza eta kultura zabaltzea.

Izan ere, eraikina, fabrikak bere ingurunearekin duela 170 urtetik duen konpromiso sozialaren sinbolo da. Añorgako fabrika da hiriko industriaren adierazle bizi bakarra, eta beti izan du konpromiso sendoa eta lotura zuzena haren historiarekin; izan ere, bertako labeetatik atera da Euskadiko azken mendeko obrarik adierazgarrienei bizia eman dien zementua.



**Cementos Rezola**  
HEIDELBERGCEMENT Group

Museoak lehen hezkuntzako ikasleentzako berariazko hezkuntza-programa bat du, baita bigarren hezkuntzarako eta lanbide-hezkuntzarako jarduerak ere. Ikastetxe bakoitzaren beharrei erantzuteko asmoz, bisita komentatuak eskaintzen dira bertako espazio eta tailer egokituetera.

### **Hanson eta Cementos Rezolari buruz**

Cementos Rezola, Euskadiko zementu eta clinker fabrikatzaile liderra, eta Hanson, hormigoi eta agregakinen ekoizlea, eraikuntzarako materialen eta soluzioen fabrikazioan munduko liderra den **Heidelberg Materialsen** parte dira.

### **Cementos Rezola-Heidelberg Materials**

*Prensa Kabinetea*

**MBN Comunicación, S.L.**

Josean Aguado

**Telefono-zenbakia:** 94 435 63 30

**Emaila:** [j.aguado@grupombn.com](mailto:j.aguado@grupombn.com)